

**-KOLEGIJ SEKRETARA-**

Broj: 0105-10813-1/23

Sarajevo, 31. 10. 2023. godine

Z A P I S N I K**SA 2. SJEDNICE KOLEGIJA SEKRETARA
UNIVERZITETA U SARAJEVU
ODRŽANE 31. 10. 2023. GODINE**

Prisutne/i sekretarke/i: Elma Dozo, Akademija likovnih umjetnosti, Aida Hamzić, (po ovlaštenju) Akademija scenskih umjetnosti, Sanela Đogić, Arhitektonski fakultet, Aida Sarajlić Ovčina, Elektrotehnički fakultet, Emina Muderizović, Fakultet islamskih nauka, Ermina Bakić, Fakultet za kriminalistiku, kriminologiju i sigurnosne studije, Umihana Mahmić, Fakultet političkih nauka, Alma Čeljo, Fakultet sporta i tjelesnog odgoja, Denita Krnić, Fakultet za saobraćaj i komunikacije, Maja Skopljak, Farmaceutski fakultet, Maida Bešić, Filozofski fakultet, Sabina Bajrić, Građevinski fakultet, Sanja Miličević, Katolički bogoslovni fakultet, Amel Kasapović, Mašinski fakultet, Svjetlana Bajramović, (po ovlaštenju) Medicinski fakultet, Binasa Nikšić, Pedagoški fakultet, Vesna Lazić Buljan, Pravni fakultet, Fatima Tiro-Čindrak, Poljoprivredno-prehrambeni fakultet, Delila Salihović, Šumarski fakultet, Sabrina Grbo, Veterinarski fakultet, Emir Džaferović, INGEB, Vasvija Kapo Mehmedović, Orijentalni institut, Edis Ikanović, Institut za istraživanje zločina protiv čovječnosti i međunarodnog prava, Fatima Išerić, Institut za historiju, Suada Avdić, Institut za jezik i Emir Smajić, Fakultet za upravu – pridružena članica.

Odsutne sekretarke: Amela Jašarević, Fakultet zdravstvenih studija, Lamija Selman, Muzička akademija, Jasmina Hasanbegović, Prirodno-matematički fakultet, Edisa Lišić, Stomatološki fakultet sa klinikama i ovlašteni/a predstavnik/ica Univerziteta u Sarajevu – Ekonomskog fakulteta.

Sjednici prisustvuju: Berina Smajlović-Doljančić, rukovoditeljica Službe za pravne poslove, Semir Dulić, viši stručni saradnik u Službi za pravne poslove, Merisa Kurtanović, rukovoditeljica Pomoćnog operativnog centra i Alma Voloder-Madacki, viša stručna saradnica u Službi za pravne poslove, zapisničarka.

Sjednica je počela u 11:00 sati.

Sjednicom je predsjedavao Kenan Filipović, generalni sekretar Univerziteta u Sarajevu.

Na prijedlog generalnog sekretara usvojen je slijedeći

DNEVNI RED:

1. Usvajanje Zapisnika sa 1. (konstituirajuće) sjednice Kolegija sekretara Univerziteta u Sarajevu od 20. 09. 2023. godine
2. Prijedlog Poslovnika o radu Kolegija sekretara Univerziteta u Sarajevu
3. a) Arhivsko i kancelarijsko poslovanje
b) Način dostavljanja materijala za sjednice tijela Univerziteta u Sarajevu
4. Instrukcija u vezi sa davanjem stručnih mišljenja
5. Tekuća pitanja.

TOK SJEDNICE:

Ad-1.

Zapisnik sa 1. (konstituirajuće) sjednice Kolegija sekretara Univerziteta u Sarajevu od 20. 09. 2023. godine, usvojen je jednoglasno.

Ad-2.

Poslovnik o radu Kolegija sekretara Univerziteta u Sarajevu, usvojen je u predloženom obliku, jednoglasno.

Ad-3.

a) Arhivsko i kancelarijsko poslovanje:

Gosp. Kenan Filipović ukazao je na nužnost jednoobraznog vođenja arhivskog i kancelarijskog poslovanja na svim članicama Univerziteta u Sarajevu. S tim u vezi informisao je članice i članove Kolegija da će se Upravnom odboru Univerziteta u Sarajevu predložiti donošenje zaključka da se do donošenja općeg akta na Univerzitetu u Sarajevu kojim će se tretirati arhivsko poslovanje direktno primjenjuju odredbe Zakona o arhivskoj djelatnosti („Službene novine Kantona Sarajevo“, broj: 50/16), a u vezi sa kancelarijskim poslovanjem na Univerzitetu u Sarajevu odredbe Pravilnika o kancelarijskom poslovanju u Federaciji Bosne i Hercegovine („Službene novine Federacije BiH“, broj: 96/19).

b) Način dostavljanja materijala za sjednice tijela Univerziteta u Sarajevu:

Gosp. Kenan Filipović, podsjetio je na obavezu usklađivanja sjednica tijela na članicama sa Akademskim kalendarom Univerziteta u Sarajevu, odnosno sa terminima održavanja sjednica vijeća grupacija nauka/umjetnosti, Senata i Upravnog odbora.

Također je istakao da se u cilju efektivnosti i efikasnosti u radu, vodi računa da materijali koji se dostavljaju na razmatranje tijelima Univerziteta, budu kompletni, kao i da prateće odluke sadrže detaljno obrazloženje.

Ad-4.

Nakon razmatranja radne verzije Instrukcije u vezi sa sadržajem prijedloga odluka, kao i davanjem stručnih mišljenja na prijedloge odluka nadležnih tijela članice/Univerziteta, konstatirano je da je potrebno da sekretarke i sekretari dostave svoje eventualne primjedbe i prijedloge na navedenu Instrukciju u cilju poboljšanja iste.

Ad-5.

➤ Gospođa Merisa Kurtanović, rukovoditeljica Pomoćnog operativnog centra informisala je članice i članove Kolegija da će u narednom periodu kontinuirano biti organizirani sastanci sa sekretarkama/ sekretarima i šefovima/icama računovodstava članica Univerziteta u Sarajevu s ciljem razvoja efikasnijih Mapa procesa i sveobuhvatnog Registra rizika, kroz analizu trenutnih stanja, kao i razmjene ideja i sugestija za poboljšanje ovih procesa u domenu finansijskog upravljanja i kontrole.

➤ Gospođa Aida Hamzić zatražila je stav Kolegija u vezi sa tretiranjem naknade plaće porodilja u kontekstu primjene odredbi člana 88. Jedinog pravilnika o radu Univerziteta u Sarajevu i odredbi člana 150a. Zakona o izmjenama i dopunama Zakona o socijalnoj zaštiti civilnih žrtava rata i zaštiti porodice sa djecom iz 2022. godine, kojim je uvedena mogućnost dodatne pomoći ženi-majci na ime brige i njege djeteta. Iz navedenih izmjena i dopuna Zakona vidljivo je da se pravi razlika između termina *naknada plaće* i *dodatne pomoći na ime brige i njege djeteta*. Ovom prilikom je naglasila da je naknada plaće zagarantovana svakoj zaposlenoj porodilji, a da je dodatna pomoć uslovljena iznosom naknade plaće koju uplaćuje poslodavac

S tim u vezi je istakla da pravna dilema nastaje kod primjene člana 88. Jedinog pravilnika o radu Univerziteta u Sarajevu i primjene članova 149, 150 i 150a. Zakona o izmjenama i dopunama Zakona o socijalnoj zaštiti civilnih žrtava rata i zaštiti porodice sa djecom u kontekstu rješavanja primanja zaposlenica nižeg platnog razreda i koje će eventualno ostvariti „dodatnu pomoć“. Shodno tome, također je istakla da je potrebno konstatirati da li će poslodavac tu pomoć oduzeti i za taj iznos smanjiti razliku poslodavca, ili će se primjenjivati interni Pravilnik koji propisuje da se u odnosu na naknadu plaće od Kantona utvrđuje razlika do pune plaće.

Članice i članovi Kolegija su zauzeli jedinstven stav da se odredbe Zakona o izmjenama i dopunama Zakona o socijalnoj zaštiti civilnih žrtava rata i zaštiti porodice sa djecom iz 2022.

godine kojim je uvedena mogućnost „*dodatne pomoć ženi-majci na ime brige i njege djeteta*“, nedvosmisleno odnose na zaštitu zaposlenica-porodilja kao ciljne skupine, te je s tim u vezi konstatirano da poslodavac ne bi trebao uzimati u obzir da li će zaposlenica-porodilja po procjeni općine ostvariti i dodatnu pomoć.

Sjednica je završena u 13:10 sati.


PREDSJEDAVALAČI

Kenan Filipović, dipl.iur. generalni sekretar

Za Zapisnik:


Alma Voloder-Madacki, dipl.iur.